

PARLAMENTARNA SKUPŠTINA BOSNE I HERCEGOVINE

99

Na osnovu člana 169. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", broj 79/14), člana 153. Poslovnika Doma naroda Parlamentarne skupštine Bosne i Hercegovine ("Službeni glasnik BiH", broj 58/14), Parlamentarna skupština Bosne i Hercegovine na 1. hitnoj sjednici Predstavničkog doma Parlamentarne skupštine Bosne i Hercegovine, održanoj 23.2.2015., i na 1. hitnoj sjednici Doma naroda Parlamentarne skupštine Bosne i Hercegovine, održanoj 23.2.2015., donijela je

ODLUKU

I.

Potvrđuje se i usvaja Izjava Predsjedništva Bosne i Hercegovine, broj 01-50-1-351-15/15 od 29.1.2015., koju su potpisali lideri svih političkih stranaka zastupljenih u Parlamentarnoj skupštini Bosne i Hercegovine, koja glasi:

"Na osnovu člana V/3. a) i c) Ustava Bosne i Hercegovine, člana 32. stav (1) tačke a) i i) Poslovnika o radu Predsjedništva BiH ("Službeni glasnik BiH", br. 10/13, 32/13 i 22/14), a u skladu sa zaključcima Vijeća za vanjske poslove Evropske unije od 15. decembra 2014., Predsjedništvo BiH, na 1. vandređnoj sjednici, održanoj 29. januara 2015., utvrdilo je i usvojilo

IZJAVU

Svjesni složenosti društveno-ekonomske situacije u Bosni i Hercegovini:

Opredijeljeni da poštuju Ustav Bosne i Hercegovine i Opći okvirni sporazum za mir u Bosni i Hercegovini, suverenitet, teritorijalni integritet i političku nezavisnost Bosne i Hercegovine;

Privrženi principima, vrijednostima i ciljevima na kojima se zasniva Evropska unija;

Potvrđujući da je članstvo u Evropskoj uniji strateški cilj Bosne i Hercegovine;

Pozdravljajući obnovljeni pristup Evropske unije prema Bosni i Hercegovini, a u skladu sa zaključcima Vijeća za vanjske poslove Evropske unije od 15. decembra 2014. godine;

Mi, dolje potpisani, izjavljujemo da smo saglasni i neopozivo se obavezujemo:

1. Institucije vlasti u Bosni i Hercegovini provest će sve reforme neophodne da bi se uspostavila institucionalna funkcionalnost i efikasnost na svim nivoima vlasti i omogućilo da se Bosna i Hercegovina pripremi za buduće članstvo u Evropskoj uniji kao suverena država, koja ispunjava uslove i obaveze za članstvo u Evropskoj uniji. Institucije na svim nivoima vlasti u Bosni i Hercegovini će, u skladu sa svojim ustavnim nadležnostima, u svoje programe rada uključiti reforme neophodne za napredak Bosne i Hercegovine u procesu pridruživanja Evropskoj uniji i u svom djelovanju davati prioritet blagovremenom provođenju tih reformi. U što kraćem roku bit će uspostavljen, efikasan i efektivan Mehanizam koordinacije institucija svih nivoa vlasti u Bosni i Hercegovini u procesu pristupanja Evropskoj uniji.
2. Institucije na svim nivoima vlasti u Bosni i Hercegovini (institucije Bosne i Hercegovine, entiteta Federacije Bosne i Hercegovine i Republike Srpske, Brčko Distrikta i deset kantona¹), u dogovoru sa Evropskom unijom i u skladu sa Kopenhagenskim kriterijima i pravnom stečevinom Evropske unije, sačinīt će i provesti, u skladu sa svojim ustavnim nadležnostima, program mjerljivih inicijalnih reformskih mjera, uključujući:

¹ Unsko-sanski kanton, Posavski kanton, Tuzlanski kanton, Zeničko-dobojski kanton, Bosansko-podrinjski kanton, Srednjobosanski kanton, Hercegovačko-neretvanski kanton, Zapadnohercegovački kanton, Kanton Sarajevo i Kanton 10.

- a) ekonomske i socijalne mjere, u okviru *Sporazuma za rast i zapošljavanje u Bosni i Hercegovini*, koje će imati za cilj da zaustave negativne ekonomske trendove, pokrenu proces rehabilitacije i modernizacije ekonomije, podstaknu održiv, efikasan, socijalno pravedan i ravnomjeran ekonomski razvoj, otvaranje novih radnih mjesta, povećaju i pravilno usmjere socijalnu zaštitu, te stvore povoljan i pravedan socijalni ambijent. Konkretno mjere bit će usmjerene na reformu fiskalne politike, politike indirektnog oporezivanja i vanjskotrgovinske politike, smanjenje poreskih opterećenja na rad, uklanjanje prepreka zapošljavanju, poboljšanje poslovne klime, bolju zaštitu investitora, snažnije poštovanje vladavine prava, reformu javne uprave, povećanje transparentnosti propisa i procedura, smanjenje mogućnosti za korupciju, poboljšanje procesa usmjeravanja socijalne pomoći i uspostavu efektivnije, efikasnije i pravičnije politike socijalne zaštite. Konkretno mjere će biti sačinjene i provedene u dogovoru i saradnji sa ekonomsko-socijalnim partnerima, civilnim društvom, Evropskom unijom i međunarodnim finansijskim institucijama;
- b) mjere za izgradnju funkcionalne tržišne ekonomije;
- c) mjere za jačanje vladavine prava, naročito efikasnosti institucija pravne države u borbi protiv korupcije, organizovanog kriminala i terorizma i osiguravanju pune pravne sigurnosti za svaku fizičku i pravnu osobu;
- d) mjere za ubrzanje procesa pomirenja;
- e) mjere za jačanje administrativne sposobnosti, unapređenje funkcionalnosti i povećanje efikasnosti institucija na svim nivoima vlasti za preuzimanje i provođenje pravne stečevine Evropske unije i drugih obaveza za članstvo u Evropskoj uniji.
3. Institucije vlasti u Bosni i Hercegovini u kasnijoj fazi (nakon inicijalnih reformskih mjera), ostvarit će napredak u provođenju dodatnih reformi kako bi se unaprijedila funkcionalnost i povećala efikasnost svih nivoa vlasti u Bosni i Hercegovini, te posebnu pažnju usmjeriti na provođenje presude Evropskog suda za ljudska prava u predmetu *Sejdić i Finci protiv Bosne i Hercegovine*".

II.

Ova odluka bit će objavljena u "Službenom glasniku BiH".

Broj 01.02-05-1-49/15
23. februara 2015. godine

Predsjedavajući Predstavničkog doma Parlamentarne skupštine BiH Šefik Džaferović , s. r.	Predsjedavajući Doma naroda Parlamentarne skupštine BiH Bariša Čolak , s. r.
--	--

Na temelju članka 169. Poslovnika Zastupničkog doma Parlamentarne skupštine Bosne i Hercegovine ("Službeni glasnik BiH", broj 79/14), članka 153. Poslovnika Doma naroda Parlamentarne skupštine Bosne i Hercegovine ("Službeni glasnik BiH", broj 58/14), Parlamentarna skupština Bosne i Hercegovine na 1. hitnoj sjednici Zastupničkog doma Parlamentarne skupštine Bosne i Hercegovine, održanoj 23. 2. 2015., i na 1. hitnoj sjednici

Doma naroda Parlamentarne skupštine Bosne i Hercegovine, održanoj 23. 2. 2015., donijela je

ODLUKU

I.

Potvrđuje se i usvaja Izjava Predsjedništva Bosne i Hercegovine, broj 01-50-1-351-15/15 od 29. 1. 2015., koju su potpisali čelnici svih političkih stranaka zastupljenih u Parlamentarnoj skupštini Bosne i Hercegovine, koja glasi:

"Na temelju članka V/3. a) i c) Ustava Bosne i Hercegovine, članka 32. stavak (1) točke a) i i) Poslovnika o radu Predsjedništva BiH ("Službeni glasnik BiH", broj 10/13, 32/13 i 22/14), a u skladu sa zaključcima Vijeća za vanjske poslove Evropske unije od 15. prosinca 2014. godine, Predsjedništvo BiH na 1. izvanrednoj sjednici, održanoj 29. siječnja 2015. godine, utvrdilo je i usvojilo

IZJAVU

Svjetski složenosti društveno-ekonomske situacije u Bosni i Hercegovini;

Opredijeljeni da poštuju Ustav Bosne i Hercegovine i Opći okvirni sporazum za mir u Bosni i Hercegovini, suverenitet, teritorijalni integritet i političku neovisnost Bosne i Hercegovine;

Privrženi principima, vrijednostima i ciljevima na kojima se zasniva Europska unija;

Potvrđujući da je članstvo u Europskoj uniji strateški cilj Bosne i Hercegovine;

Pozdravljajući obnovljeni pristup Europske unije prema Bosni i Hercegovini, a sukladno zaključcima Vijeća za vanjske poslove Evropske unije od 15. prosinca 2014. godine;

Mi, dolje potpisani, izjavljujemo da smo suglasni i neopozivo se obvezujemo:

- Institucije vlasti u Bosni i Hercegovini provest će sve reforme neophodne da bi se uspostavila institucionalna funkcionalnost i učinkovitost na svim razinama vlasti i omogućilo da se Bosna i Hercegovina pripremi za buduće članstvo u Europskoj uniji kao suverena država, koja ispunjava uvjete i obveze za članstvo u Europskoj uniji. Institucije na svim razinama vlasti u Bosni i Hercegovini će, sukladno svojim ustavnim nadležnostima, u svoje programe rada uključiti reforme neophodne za napredak Bosne i Hercegovine u procesu pridruživanja Europskoj uniji i u svom djelovanju davati prioritet blagovremenoj provedbi tih reformi. U što kraćem roku bit će uspostavljen, učinkovit i efektivan mehanizam koordinacije institucija svih razina vlasti u Bosni i Hercegovini u procesu pristupanja Europskoj uniji.
- Institucije na svim razinama vlasti u Bosni i Hercegovini (institucije Bosne i Hercegovine, entiteta Federacije Bosne i Hercegovine i Republike Srpske, Brčko Distrikta i deset kantona¹), u dogovoru sa Europskom unijom i sukladno Kopenhaškim kriterijima i pravnom stečevinom Evropske unije, sačinat će i provesti, sukladno svojim ustavnim nadležnostima, program mjerljivih inicijalnih reformskih mjera, uključujući:
 - ekonomske i socijalne mjere, u okviru *Sporazuma za rast i zapošljavanje u Bosni i Hercegovini*, koje će imati za cilj da zaustave

¹ Unsko-sanski kanton, Posavski kanton, Tuzlanski kanton, Zeničko-dobojski kanton, Bosansko-podrinjski kanton, Srednjobosanski kanton, Hercegovačko-neretvanski kanton, Zapadnohercegovački kanton, Kanton Sarajevo i Herceg-bosanski kanton